

Timothia Paului Chagdis Tanpo.

Timothia Paului chagdis tanpoe skor.

I chagdis taŋ sɲunme chostshogssi uskyoŋgun gyudte, ɲadaŋɲa i chagdispo Tsoo Yeshu mashike skutshabs Paului ɖia dzadkanbo gyus chanog.

Ɖadaŋgunla chossi khaspagun gyudte i chagdispo Yeshu ɖoŋste sotea zhaŋste stiŋne, lo 30 ne 32 nyekhorla, ɖia dzadkanbo gyus chanog.

Paulu mashike chaglassi naŋɲa bes sumpa skyod zane, Timothi Ephesussi gyalse naŋɲa bors. Ta nam Paulua Ephesusla logste cha minyancespo hagoanaŋ, khoŋɲi Timothia i gyuntshangunni phia chagdis ɖia dzads.

Tanpo, Timothia khoŋɲi taŋɲa dzadkanni khaggun idtu skulces.

Nyispa, teru yodkanni chostshogssi naŋɲa zusme labzha cuŋkangunni gyabgal coces.

Sumpa, Timothia Ephesussi chostshogspo kazuggi lɔdan cugin teboe labzha.

Zhipa, Ephesussi naŋɲa chostshogs skoŋces taŋ ɖhidcessi naŋɲa Konchoggi chogsne codpa taŋ, khyud thobste yodkanni mirig skoces.

Paului chogsne ju zhus.

1:1 ne 11

1 ¹ Ɖadaŋgunni skyabgon Konchog taŋ ɲadaŋgunla rewa salkanni Mashika Yeshu gunni, ɲa Paulu Mashika Yeshui skutshabsla skoa dzads.

² Ɖe dadpe naŋɲa denbe butsha inkanni Timothi khyoraŋɲa ɖiad. Konchog yab taŋ ɲadaŋgunni Tsoo Yeshu Mashika gunni khyoraŋɲa thugrje, snyiŋrje taŋ, zhide salla dzadshig.

³ Ɖa Makedoniya cha zane, ɲe khyoraŋɲa Ephesussi naŋɲa dugces taŋ Konchoggi skorla zuma labzha taŋkangun ghagcesla maŋante spospa taŋspin. ⁴ Yaŋ zusme ruŋs taŋ khoranŋunni phorgyuddi thoriŋmo gunni skorla ɖabs coin tus godla mitaŋcesla ka toŋ. Te lasgunni migunla Konchoggi phia tatpacanni mitshezhiŋ phudcessi naŋɲa rogs coa manog, innaŋ tonmeddi dziŋmo chacugganog.

⁵ Ɖe labzhe migzhibo ni tatpa yodkan tshaŋma snyiŋ zaŋpo, sems lagmo taŋ denbe tatpa gunne yoŋkanni yashe gaŋscespo in. ⁶ Innaŋ i zusme lobpongunni te

labzha zanpo tshanmala gyab logste tonmeddi gorgyangunnika doldur corug.

⁷ Chosthimsla khaspe lobpongun gyurcessi dodpa nyampo, khongunni tegun thetshoms medpa shadnañ, ñospoa khongunni shadkanbo khorangunla hamagoa innog.

⁸ Galtes chosthimspo Konchoggi thabs nanzhinla kolna, zanpo inkanbo ñadañgunla gyusinnog. ⁹ Ciazerna kathimspo las ñanpo cokangunni phia macoa thims medkan, gyabgal cokan, Konchoggi jigssi nanña mañulkan tañ sdigcan gun matshad, cañ dampaa mastsikan, dampa gun stsogpo cokan, aba ya ama sadkan yañ misadkangunni phia coste innog. ¹⁰ Kathimspo lusdel ñanpa cokan, butsha tañ butshe parla ya bumo tañ bumoe parla lusdel cokangun, tsheyoggi phia migun tsonkan, zunjan, thimskhuñji nanña spanpo zunba tañkan tañ labzha zanpoe gyablog cokangunni phia innog. ¹¹ Tegunni gyablog cokanni labzha zanpogun, zirrjidcanni gamoe nastshulne cuñjanog, kabo cinlabscanni Konchoggi ñe lagga stadda dzadte in.

Konchoggi snyinrjee phia thugrjeche zhus.

1:12 ne 17

¹² Mashika Yeshu ñadañgunni Tsoo kaboe ñaa khonrañji chaglasgun dzadcesla stobs salla dzads, khonña ñe thugrjeche zhuad. Khonñi ñaa idshescanni mizhig stsia dzadte khonrañña zhabstog zhucessi phia skoa dzads. ¹³ Zhan ñaa dadlog zhukan, tatpacangunla nagsstante nodskyalkan inteañ, Konchogga ñeka snyinrje skyea dzads, ciazerna tegun ñe Mashika tatpa macokan tañ denbe labzha gun masheskan inni tusla coste inpin. ¹⁴ O, ñadañgunni Tsoo, tsamshiggi snyin pheste salkan tañ thugrjecanzhig zhugste mirug. Khonñi, ñaa Mashika Yeshune cuñkanni tatpa tañ cespe skañña dzads.

¹⁵ I zhaltagun idshescan inpa, mitshanme tegunnika idshes cogosshes innog, "Mashika Yeshu i jigstenni nanña sdigcangun skyobbala skyods." Te sdigcangunni ñone ñaa tshanmesañ thushogpo inpin. ¹⁶ Innañ Mashika Yeshui khonrañji zodsems chenmoe spezhiggi tshulla ñaa, sdigcan thushogpo kolla dzadcessi phia Konchoggi ñeka snyinrje skyea dzads. Te speboe Yeshuika tatpa cona, thamedpe mitshe thobthubcespo zhanmagunla hagothubin. ¹⁷ Khoñ ni thamedpe gyalpo, jal majalkan, mane miñonkan, yañ khonrañ cigpo Konchog zhugste innog. Khonña stsiwa tañ spal gun, tusgyunnegyun thobshig. Amen.

Timothii khaggun.**1:18 ne 20**

¹⁸ Ñe butsha Timothi, khyoraŋŋi skorla sŋunla luŋstan shadkan naŋzhin, ñe i labzhagun khyoraŋŋa taŋŋad. I labzhagunni, khyoraŋŋa Tsooe maggi naŋŋa gyalkhaa thobcesla rogs thobshig. ¹⁹ Mashike naŋŋa khyoraŋŋi tatpabo stanpo thamste dug, yaŋ khyoraŋŋi sems noŋsmed bor, ciazerna mi khaciggi i labzhabo phañs pasañ, khoŋgunni tatpabo thestor soŋte innog. ²⁰ Heminayus taŋ alegzander nyisko, teboe spezhig innog. Khoŋgunla Konchogga dadlog micocespo hagogessi phia, ñe khoŋgun chostshogssi ñone phiŋste shetanni lagga stadpin.

Chos cocessi skorla labzha.**2:1 ne 8**

2 ¹ Tshaŋmesañ sŋunla, mitshaŋme phia moslam zhucesla ñe tatpacan tshaŋmala maŋante spospa taŋŋad; moslammi naŋŋa Konchogga khoŋgunla rogs dzad zerces, khoŋgunni donla zhuwa phulces taŋ thugrjeche zhusces gun yongos.

² Tenna tsogsla, Konchoggi codlam taŋ dampa lammika ðulin ñadaŋgun zhide taŋ khamzaŋŋi mitshe, phud nyancesla gyalpo taŋ waŋ yodkan tshaŋme phia moslam phulshig. ³ Itsogsla moslam phulcespo, gyallazhig innog, yaŋ ñadaŋgunni skyabgon Konchog thugsthaddanog. ⁴ Mitshaŋma skyobces taŋ Konchoggi denba sheshespo khoŋŋi thugsdod innog. ⁵ Konchog cigcig zhugste in, yaŋ Konchog taŋ mitshaŋme barla barmi cigpo ni Mashika Yesu, mibo zhugste innog. ⁶ Tshaŋme phia raŋwaŋ nyoa dzadcesla khoŋŋi khoŋraŋŋi mitshebo phulla dzads. Ibo ni Konchoggi jigstenni migunla khoŋraŋŋi ldamma dzadkanni tuspoeka salla dzadkanni lonbo innog. ⁷ Yahudapa mankaŋgunla tatpa taŋ denbe skorla i longun shadkan taŋ skutshabsla ña ldamma dzads. Ñe zun taŋŋamed denba zerrad.

⁸ Ñe dodpabo ni chos cosi nassa tshaŋme naŋŋa Mashikapagunni ōo ya dziŋmo medkanni dampe lagpagun stagste Konchogga moslam phulgocespo in.

Bumogunla labzha.**2:9 ne 15**

⁹ Tenna tsogsla, bumogunni koslaggun sha kabste ospa rig gongoshespo ñe dodpa in. Őagun ldam tshul ya ser ya mutig tagces ya rincanni koslag gun gonte

khoraŋgun chogsla migunni snaŋŋa khyoŋ magos. ¹⁰ Innaŋ raŋ las zaŋpoe thogne zabgošes innog, kazug Konchogga jigste ɖulkanni bumogunla ospa in.

¹¹ Bumogunni cubcadte chostshogssi uskyoŋgunni yogga dugste chosshadkangun, caŋgošes innog. ¹² Ɖe bumogunla butshaa labces ya butsheka waŋgun co micug. Khoŋgunni cubcadte nyangos. ¹³ Ciazerna Konchoggi Hawa zerkanni bumoboe saŋ sŋunla, Adam^a coa dzadte inpin. ¹⁴ Yaŋ gobskorri naŋŋa yoŋkanbo Adam manpa Hawa innog kaboa shetanni gobskorte sdigcan gyurcugs. ¹⁵ Galtes bumogunni Konchoggi naŋŋa tatpa, cig taŋ ciggi naŋŋa cespa, dampa taŋ, raŋsems cunnyankanni mitshezhig phuddadna, khoŋgun ɖugu skyeces gyudte skyobba dzadin.

Chostshogssi uskyoŋgun.

3:1 ne 13

3 ¹ Ɖospoa i zhaltagun denba innog, "Galtes suzhigga chostshogssi uskyoŋ cocessi dodpa yodna, khoa dodpa yodkanni laspo stsiwacanzhig innog."

² Chostshogssi uskyoŋ ni, skyonmedkan, khoraŋŋi nama nyampo idshescan, sambacan, raŋsems cunnyankan taŋ, stsiwacan, bespagunla khaŋpe naŋŋa gasus zhukan, lab nyancesi khyud, ³ maŋsteaŋ maŋpo chaŋ mathuŋkan, nodpa maskyalkan, zhanmagun nyampo bolmo, dziŋmo mataŋkan, yaŋ pene maŋpoe dodpa medkanni mizhig yoŋgos. ⁴ Khoe khoraŋŋi naŋtshaŋsla gothid taŋ stastog gyalla coste khoe ɖugugun stsiwa cokan taŋ kanyankan rig yoŋgos. ⁵ Galtes mizhigga khoraŋŋi naŋtshaŋssi gothid taŋ stastog co manyanna, tene kazuggi khoa Konchoggi chostshogssi gothid taŋ stastog conyanin?

⁶ Uskyoŋbo, tatpa cokan somazhig yoŋ magos, ciazerna khoe naŋŋa phoso yoŋsidces innog kaboe kho, shetanla phogkanni thimscad tsogssi naŋŋa gyelcugin.

⁷ Ɖhelba soŋte shetanni juŋŋanni naŋŋa migyelcessi phia, kho tatpa medkangunniyaŋ stsiwa cokanni mizhig yoŋgos.

⁸ Tenna tsogsla, chostshogssi zhabstogpa skoa dzadkangunnaŋ stsiwe ospacan, dunla zaŋpo gyabba ŋanpa macokan yoŋgošes innog, chaŋ maŋpo thuŋkan yaŋ pene thogne ɖaŋpo medkan yoŋ magos. ⁹ Khoŋgunni semssi naŋŋa noŋs medpa dadpe khagcan ɖaŋpogunla stanpo thamste duggos. ¹⁰ Zhabstogpazhig

^a2:13 Adam ni i jigstenni naŋŋa Konchoggi dzadkanni butsha taŋpobo inpin.

skoi saŋ sɲunla khoŋgunni codpagunla zhibsal coste stagos. Galtes khoŋgun skyonmedkanzhig thoŋna, khoŋgunla zhabstogpe tshulla zhabstog zhucugshig.

¹¹ Tenna tsogsla chostshogssi zhabstogpagunni namagunnaŋ zhanme stsiwa yodkanni bumo rig yoŋgos, yaŋ zhanmagunni codpe skorla ŋanpa zer magos. Khoŋgunni raŋsems cunte, yaŋ las cokan tshaŋme naŋŋa idshescan yoŋgos.

¹² Zhabstogpa raŋŋi nama nyampo idshescan yoŋgos, yaŋ khoe khoranŋi tuŋu taŋ khaŋpe naŋŋa dugkan tshaŋmala gyalla coste stastog cogos. ¹³ Gyalla coste zhabstog zhukangunla, zhanmagunni kane stsiwa thobste maŋŋa hampa nyampo zhanmagunla Mashika Yeshui skorla shadthubin.

Saŋwe denbagun.

3:14 ne 16

^{14–15} Zhan ŋa khyoraŋ nyampo gyogspa thugcessi rewa coad, innaŋ galtes ŋaa yoŋcesla gorna, kazuggi mizhig Konchoggi naŋtshaŋssi toa duggoshespo, khyoraŋŋa gyus chacesla i labzhagun diad. Te naŋtshaŋspo ni Konchog sonpoe chostshogspo innog, kaboe kawa taŋ magldan tsogsla, Konchoggi daŋpobo khurte shedcan coste borranog.

¹⁶ Thetshoms medpa ibo ni, ŋadaŋgunni dadpe saŋwa cheshogpo innog.

Mashika mii zobste naŋŋa sɲonte

Khoŋ Konchoggi sas inkanbo dampe thugnyiddi stante,
Phonyagunni jal.

Yaŋ gyalkhamsgunni naŋŋa shadte

Jigsten gaŋpoe naŋŋa mi maŋpozhiŋgi khoŋŋa tatpa cos.

Yaŋ namkhe naŋŋa zirrijid nyampo khyerra dzadte in.

Zusme lobponggunni gyabgalla spaŋ phuds.

4:1 ne 5

4 ¹ Dampe thugnyiddi salpo coste molte dug, thame tusla tatpa cokan khaciggi khoranŋgunni tatpa spaŋste gobskor taŋkanni semsnyid taŋ rduddi labzhagunni gyabne daŋste chen. ² Te labzhagun khachos cokan taŋ zunjan gunni kane yoŋŋanog, kagunni semspo shite in pasaŋ, khoŋgunni sdigpagunla skyonrjod coa manog.

³ Tegunni tatpacangunla bagston coces taŋ kharji rigs khacig zaa michogs zerranog. Innaŋ Konchoggi denba sheste tatpa cokangunla khoŋŋi zacesi rigs

tshaṅma thugrjeche nyampo, zala coa dzadte innog. ⁴ Konchoggi coa dzadkan tshaṅma zaṅpo in pasañ, ṅadaṅgunni tegun ciggaṅ phaṅ maphaṅṅa thugrjeche nyampo lengos. ⁵ Ciazerna Konchoggi ka taṅ ṅadaṅgunni khoṅṅa thugrjechee moslammi zhaste tegun stsaṅma coa dzadte innog.

Mashika Yeshui zhabstogpa zaṅpozhiḡ gyurces.

4:6 ne 16

⁶ Timothi galtes khyoraṅṅi spun taṅ spunmo gunla tegunni skorla hagocugna, khyoraṅ Mashika Yeshui zhabstogpa ospacanzhiḡ gyurin, kabo khyoraṅṅi mitshee naṅṅa dadpe denbagun lobste, labzha zaṅpoe gyabne ḡulcespoe, shedcan gyurte in. ⁷ Rin medkan taṅ denba mankanni cosmi ruṅsgunni skorla dziṅmo taṅin, khyoraṅṅi tus tsapiggaṅ godla mataṅṅa, Konchoggi codlammi naṅṅa raṅṅi mitshebo maṅṅa yargyas chacugin phud. ⁸ Khyoraṅṅa i zerlobo gyusyodte innog.

"Stsalyaṅs stseste zugspoa yargyas cocespoe,
Phanthogs tsapig yodte innog.
Innaṅ tesaṅ maṅṅa phanthogs ni,
Konchoggi codlammi naṅṅa yargyas cocespo innog.
Ciazerna teboe ṅadaṅgunla i mitshe taṅ shite stiṅne
Thobcescanni mitshe nyiskoe phia phanthogs coanog."

⁹ Te zerlobo idshescan innog, yaṅ tshaṅme thetshoms medda, tatpa cogoshes innog. ¹⁰ Tennaboephia ṅadaṅgunni stsonḡus coste bardo khurranog, ciazerna ṅadaṅgunni rewabo ni, Konchog sonpoe naṅṅa yodte innog, kabo mitshaṅma taṅ migsalli tatpacangun skyobkanbo zhugste in.

¹¹ Khoṅgunla i labzhagun lob, yaṅ tegunnika laglen cocessi ka toṅ. ¹² Khyoraṅ, tatpacangunni phia spera taṅces, mitshe phudces, camspa coces, tatpa yaṅ stsaṅme thogne spezhigga gyur. Galtes tezug cona khyoraṅ zhunnu incespoe stsiwa mico samkangun ghagin. ¹³ Na yoṅyoṅ tshagpa, khyoraṅṅi tus maṅchea chostshogssi dunla dampe suṅrabs silces yaṅ chosshadces taṅ Konchoggi denbe skorla labcessi naṅṅa phud.

¹⁴ Khyoraṅṅa Konchoggi salkanni khyudpo godla cha macug, kabo khyoraṅṅa chostshogssi uskyoṅgunni khyoraṅṅika khoṅraṅgunni chaggun borte, khyoraṅṅi skorla luṅstangun sal zane thob. ¹⁵ Ne labzhagunla snaṅṅa borte, snyiṅ gaṅpo nyampo laglen cos, tene mitshaṅme khyoraṅ semsnyiddi thogne yargyas chakanbo,

thoŋ thubin. ¹⁶ Khyoraŋŋi mitshe phudces yaŋ khyoraŋŋi labzhagunla stagcad cos, tusgyun tetsogs coin dugshig. Galtes tezug cona, raŋŋi mitshe taŋ khyoraŋŋi labzha nyankangunni mitsheaŋ skyobin.

Ane maraŋmo, rgadmi taŋ, tsheyog gunni skorla labzha.

5:1 ne 16

5 ¹ Raŋŋi saŋ chimizhigga khaskyeste spera mataŋŋa, khoa raŋŋi aba tsogs samste denbe lammika đulcesla spospa toŋ, yaŋ zhonnugunla raŋŋi no tsogs som. ² Tenna tsogsla bumo chimigunla khyoraŋŋi ama yaŋ bumo nachuŋgunla sems stsaŋma nyampo raŋŋi šiŋmo tsogs som.

³ Ane maraŋmo stastog cokan medkangunla, stastog coste stsiwa toŋ. ⁴ Innaŋ galtes te ane maraŋmoboa ʔugu, ya tshao, tshamo yodna, tegunni raŋŋi naŋmigunla stastog coste goma khoranŋunni tatpabo laglenni naŋŋa khyoŋ goshes innog. Phama, abi taŋ meme gunla stastog coste khoranŋunni ʔinlan logkangunni laspoa Konchog thugsdadda dzaddanog.

⁵ Ta naŋtshaŋs medpa cigpo luskanni bumo, khoranŋi rewa Konchoggi naŋŋa borte, nyintshan medpa rogs coa dzad zerte moslam zhukanbo ni ʔosme ane maraŋmo innog. ⁶ Innaŋ raŋdod đubcugcessi naŋŋa mitshe phudkanni ane maraŋmogun sontea yodteaŋ, semsnyiddi thogne shite innog. ⁷ Suzhiggiaŋ tatpacangunni gyabgalla skyon kal minyancesi phia, te labzhagun toŋ.

⁸ Innaŋ raŋŋi nyenduŋgunla, migsalli khoranŋunni naŋmigunla stastog macokangunni khoranŋi tatpa phaŋste innog. Itsogssi migun, tatpa medkanni saŋ thua innog.

⁹ Rogs cogoshessi thoe naŋŋa miŋ cugste yodkanni ane maraŋmobo: khoranŋi magpa nyampo idshescan, khoe lo đugcu ya maŋŋa, ¹⁰ las zaŋpogunni zhaste miŋcan, sperna ʔugugun gyalla coste ldancugkan, bespagunla gasus zhukan, tatpacangunla pasmo nyampo zhabstog zhukan, sdugsŋalli naŋŋa yodkangunla rogs cokan, yaŋ las zaŋpoe rigs tshaŋma cocesla đaldig dugkan. Te codpa tshaŋma khoe naŋŋa yoŋgos.

¹¹ Innaŋ miŋthoe naŋŋa ane maraŋmo nachuŋgun yoŋ magos, ciazerna khoranŋunni zugspoe dodpe yaŋskyar bagston conyindos pasan Mashikaa zhabstog zhucessi khachaddi naŋŋa ghagskyil khyoŋŋanog. ¹² Tene khoranŋunni sŋunla khachad coskanbo cagspa khoranŋunnika ʔhimscad khyoŋŋanog. ¹³ Yaŋ galtes khoranŋun miŋthoe naŋŋa yodna, khoranŋun lasmilam gyurte khaŋpa cigne ciggi naŋŋa

spermen tañin, khoranğunni tusgun phudin, zhanma migunni lassi nañña thesstog, yañ tañgos medkanni spera riggañ tañin. ¹⁴ Sonpasañ te ane marañmo nachuñgunla yañskyar bagma coste țugu jorcugces, yañ khoranğunni khañpe stastog cocesla ñe khada tañnad. Tene ðaoe, khoranğunni gyabgalla cizhiggañ zer minyan. ¹⁵ Ciazerna ane marañmo nachuñ khacig Konchogga gyab gyur tsharte shetanni gyabne ðuldug.

¹⁶ Galtes bumo tatpacanzhigga, ane marañmo nyenduñ rig yodna, khoe tegunla stastog cogos, yañ te khagpo chostshogssika kal magos. Tene chostshogssi ñospoa stakan medkanni ane marañmogunla stastog conyanin.

Chostshogssi uskyonğunni skorla.

5:17 ne 6:2

¹⁷ Chostshogssi las cokanni uskyonğunla stsiwa tañ rogs cogoshes innog, migsalli chosshadces tañ labzha tañcessi nañña stsonđus şante cokangunla. ¹⁸ Ciazerna suñrabssi nañña "Khyorañgunni yulthagga skorkanni lañtoa zacesne khaa kag magos"^b Yañ "Las cokangunla phogssi ospa innog"^c Molte dug.

¹⁹ Uskyonğzhiggi gyabgalla skyonrjod coadna, tegunla tetetshogpa manyan, namtshogpa spañpo nyis ya summi teboe skorla tantan mico. ²⁰ Sdigpa cokanni uskyonğunla chostshogs gañpoe dunla khaskeyegos; ibo zhanmagunlañ ldamzhag chenmozhiğ gyurin.

²¹ Na Paului Timothi khyorañña Konchog, Mashika Yesu tañ Konchoggi ldamma dzadkanni phonyagunni dunla i labzhagunla khaa nyante suzhiggañ chogris macoa, laglen cocesla katañnad.

²² Chostshogssi uskyonğ ldamcessi nañña bañgyugs matañ, galtes tañna tene khoe sdigpe nañña khyoraññañ ðesin. Khyorañ rañdañrañ stsañma bor.

²³ Chu şkyañ thuñin madug, khyorañña ðodpe phanthogssi phia chañ nyuñun riggañ thuñ, ciazerna khyorañña zumo yoñin dugdug.

²⁴ Mi khaciggi sdigpagun salpo thoñjanog, tegunni sdigpagun Konchoggi ðhimscad dzadse nassa khoranğunni sañ sñunla lebin. Innañ zhangunni sdigpagun stiñne mane misñon. ²⁵ Tenna tsogsla mi khaciggi las zañpogun salpo coste

^b**5:18** ibo ni zhalchad snyinpe ðhimssi specha nyispa yañna Mozessi specha şñape 25:4 nañña yodte innog.

^c**5:18** ibo ni zhalchad some Luka zerkanni speche 10:7 nañña yodte innog.

thoᅇdug. Innaᅇ galtes saᅇwe naᅇᅇa las zaᅇpo cona, igun tusgyunni phia vaste bor minyan.

6¹ Konchoggi tshan taᅇ khoᅇᅇi labzhagunla thelba mikhyoᅇcessi phia, tatpacan tsheyog tshaᅇme khoranᅇgunni sponbogunla gyalla coste stsiwa cogoshes innog. ² Galtes khoᅇᅇgunni sponbogun tatpacan rig inna, tebo stsiwa nyuᅇᅇun cocessi gyuzhig yoᅇ magos. Innaᅇ te tsheyoggunni las maᅇᅇa gyalla cogoshes innog, ciazerna khoᅇᅇgunni stsonᅇussi phanthogspo khoranᅇgunni yasha cokaᅇ taᅇpa yodkangunla thobte innog.

Timothi, tatpacangunla te labzhagun labste khaa nyancesla spospa toᅇ.

Zusme labzha taᅇ denbe gyunor.

6:3 ne 10

³ Mi khaciggi ᅇati labzhagunla gyabgal coᅇidces innog. Innaᅇ igun Tsoo Yeshe mashike labzha zaᅇpogun innog, kaboe ᅇadaᅇgunla Konchoggi codlammi naᅇᅇa ldan cugganog. ⁴ Tetsogssi migun phosocan taᅇ hamagokaᅇ gun innog. Tegunni phanmithogssi lobspoe, khoᅇᅇgunni spere tontaggika dziᅇmo taᅇ ᅇabbanog, teboe tshigsces, pobudces, zhanme codpe skorla ᅇaᅇpa zerces, yaᅇ zhanme skorla samba ᅇaᅇpa gun ldan cugganog. ⁵ Tegunni tusgyun migunni ᅇoa dziᅇmo chaa cugganog. Tegunla denba taᅇ zunbe khyad mashespa, denba chogsla raᅇᅇi gyabgyurte innog. Tegunni khoranᅇgun chugpo gyurcessi phia Konchoggi codlammika ᅇulzun taᅇᅇanog.

⁶ Semssi naᅇᅇa zhide taᅇ Konchoggi codlammika ᅇulcessi dodpa yodcespo khoranᅇ, cinlabs chenmozhiᅇ innog. ⁷ Ciazerna ᅇadaᅇᅇi i jigstenni naᅇᅇa caᅇ khurte makhyoᅇs, yaᅇ ikane caᅇ khurte chaa minyan. ⁸ Teboephia ᅇadaᅇgunla zagyu taᅇ gongyu yodna tenaboa tshims goshes innog.

⁹ Chugpo gyurra thadkangun tshodlte naᅇᅇa gyelte, tonmed taᅇ nodskyalkanni dodpa gunni naᅇᅇa khaddanog, kaboe khoᅇᅇgun zhiᅇte medkan chacessi naᅇᅇa bud cugganog. ¹⁰ Ciazerna norri dodpa ni ᅇaᅇpe rigs tshaᅇme stsaba innog. Yaᅇ nordod ᅇaᅇte yodkan khacig dadpe kane ma thagriᅇᅇa nurte soᅇte khoranᅇgunni phia maᅇᅇa sdugsᅇalgun cuᅇs cugste innog.

Paului stinjuggi labzhagun.**6:11 ne 21**

¹¹ Timothi, khyoraŋ Konchogga zhabstog zhukanni mizhig in pasaŋ, te ŋanpe las tshaŋme kane shorte soŋ. Innaŋ ɔaŋpo, Konchoggi codlammika ɔulces, idshes, cespa, dadpe naŋŋa stanpo dugces taŋ bolmo mitshezhiggi stinraŋne baŋ toŋ. ¹² Raŋŋi tatpa skyobcessi phia gyalla coste nol. Konchoggi khyoraŋ bodda dzadkanni thamedpe mitsheboa ɔaŋte thamste dug, kabo khyoraŋŋi Yeshui naŋŋa idshes cokanni spaŋpo tatpacaŋ maŋpoe dunla taŋs. ¹³ Yaŋ tshaŋmala ɔog salkanni Konchog taŋ Pontu Pilatui dunla spaŋpo zaŋpo salkanni Mashika Yeshu nyiskoe skundunla ŋe khyoraŋŋa i kataŋŋad. ¹⁴ Ɖadaŋŋi Tsoo Yeshu Mashika logste phebsphebs tshogpa khyoraŋŋi khoŋŋi ka thetshoms medpa kanyon. ¹⁵ Ta tenna ldamma dzadkanni tuspoeka Konchog, gyalpogunni gyalpo taŋ Tsoogunni Tsoo, cinlabscanni kunwaŋ cigpoe, Mashika namkane sŋon cugga dzadin. ¹⁶ Konchog cigpo ni mane miɔoŋs, suaŋ cha minyanceŋsi oddi naŋŋa khoŋ zhugsin, khoŋ suzhiggiŋ mane majalkyag ya jal mithub. Tshaŋme khoŋŋa stsiwa coshig, yaŋ khoŋŋi waŋgun tusgyun lusshig. Amen.

¹⁷ I jigstenni naŋŋa yodkanni chugpogunla khoranŋunni norgunnika phoso taŋ idshes maco zerte lob, kabo lamo nyampo medkan chaa nyannanog. Ɖadaŋŋi skyidpoe phia gosdomgun snyiŋ pheste salla dzadkanni Konchoggi naŋŋa khoŋgunni idshes yoŋgos. ¹⁸ Khoŋgunni penegun las zaŋpoe naŋŋa skyagces, las zaŋpoe naŋŋa chugpo gyurces, gosdom yodkangunni phia snyiŋ pheste taŋces, tusgyun zhanma nyampo gocessi naŋŋa ɔaldig dugcesla zer. ¹⁹ Tezug cocespoe, khoŋgunni yoŋcescanni tussi phia khoranŋunla namkhe naŋŋa magldan stanpo tsogsla baŋdzod sagste borin, tene khoŋgunni denbe ŋosme mitshebo thams thubin.

²⁰ Timothi, Konchoggi khyoraŋŋi lagga stadda dzadkangunla gyalla coste ɔuŋskyob cos. Ɖanpe speragunni naŋŋa ɔes maɔes, kabo mi khaciggi norte yontan zerrad.

²¹ Itsogssi samba medkanni ɔabsgunni gyabne ɔulte mi khacig denbe dadpe kane thagriŋŋa soŋte innog.

Konchoggi thugrje khyozhagunla salla dzadshig..